


www.BibleForChildren.org

Англунимос 3



О Адамо дя алав пэстя ромняти
Ева, пала кода со вой ашыля дэй
саворэнди, ко жувэл.



О сап сас майфранто саворэ
вэшэнго жундимастар, савэн
стердя о РАЙ Дэл. Вов пушля кай э
жувли: — Чячес ли пхэндя о Дэл:
«На хан ни па саво кашт
андо садо»?



Э жувли пхэндя лэ
сапэсти: — Амэ хас
э плодуря саворэн
каштэндар андо садо,
но о Дэл пхэндя: «На хан э плодуря па кашт,
саво помашкар садо, и на лэнпэ лэндэ, ай со
тумэ мэрэна». — Най, тумэ на мэрэна,
— пхэндя о сап лэ
жувляти. — О Дэл ганэн,
со кала тумэ хана лэн,
пхэрнадёна тумарэ якха и
тумэ ашэна, сар о дэвла,
савэ ганэн

О ЛАШЫМОС И О ВЫРЫТИМОС.



Тунче э жувли додикхля, со о плодо
лэ каштэско лашо тэ хас и драго тэ
дикхэс. О кашт кодыва фартэ
чялёлас, пала кода со дэлас годи.
Жувли ля екх плодо и халя. Вой дя о
плодо лэ ромэсти, саво сас паша
латэ, и вов кадя
ж лэс похаля.



Пхэрнадилэ э якха лэндэ, и вонэ
полинэ, со саслэ нангэ. Тунче судэ
инжырни листуря, соп тэ гаравэн
пэско нангимос.





О РАЙ Дэл акхардя лэ
Адамости: — Кай ту сан? О Адамо
пхэндя: — Мэ ашундэм Тут андо садо и
пэрэдарайлэм, пала кода со мэ сым нанго,
акэ мэ и гарадилэм.





Вов пушля лэстар: — Ко пхэндя тути, со ту нанго?
Ту со, халян э плодуря па кашт, па саво Мэ
припхэндэм тути тэ на хас?



О Адамо пхэндя: — Э жувли, савя Ту дян
манди, соп вой тэ авэл манца, — када вой дя
манди о плодо па кодыва кашт, и мэ
похалэм лэс. Тунче РАЙ Дэл пхэндя ла
жувляти: — Со ж ту када тердян?
Э жувли пхэндя: — Када о сап
хохадя ман, и мэ халэм.



И о РАЙ Дэл витрадя лэ Адамос
анда садо Эдэм, соб вов тэ терэл
бути пэ пхув, анда
сави сас лино.






Сар о РАЙ витрадя лэ манушэс, Вов
стходя по тэсараско риг лэ
Эдэмогар лэ херувимонэн и
бари ягатери шури, сави
марэлас андэ саворэ рига,
соп тэ фирин о
дром каринг о
кашт лэ жувимаско.



О Адамо сутя ла Еваса, пэстеря ромняса, и вой ашыля лэстар пхари и андя лэ Каинос. Вой пхэндя: «Сар о РАЙ, кадя и мэ тердэм манушэс». Тунче вой андя лэ Авелёс, лэсти пхралэс. О Авелё барярэлас лэ бакрэн и бузнэн, ай о Каино терэлас бути ла пхувяса.



Черэз сави-то время о Каино андя даро лэ РАЕСТИ
э плодуря лэ пхуяти, ай о Авелё андя майчиченалэн
англунэн аракхадэн бакрэн. О Авелё и
лэско даро чялилэ лэ РАЕСТИ, ай о
Каино и лэско даро на чялилэ Лэсти.
О Каино росхоляйля, и лэско
муй калиля.



О Каино пхэндя пэстерэ пхралэсти лэ Авелёсти: —
Авэн манца андэ мал. И кала вонэ саслэ котэ, о
Каино збисайля пэ пэско пхрал по
Авелё и умардя лэс.



Тунче о РАЙ пхэндя лэ Каиности: — Кай теро пхрал о Авелё? — На ганав, — пхэндя Каино. — Хэба мэ сым фирисари мэрнэ пхралэсти? О Каино жылятар лэ РАЕСТАР и жувэлас пэ пхув Нодо, сави сас каринг о востоко лэ Эдэмоско садостар.




О Адамо инке сутя пэстя ромняса, и вой андя шавэс
и дя лэсти алав Сифо, вой пхэнэлас: «О Дэл дя
манди андо даро аврэс бэятос важ о
Авелё, савэс умардя о Каино».



Тунче сар арахадиялпэ о Сифо, о Адамо жудя 800
бэрша, и лэстэ сас инке шавэ и щей. Ся о жувимос
лэ Адамоско сас 930 бэрша, и вов муля.



О РАЙ дикхля, со э мануша ашыле
билажавардэ, и ся лэнди гындурия
цырдэнас лэн каринг о холи.



И пхэндя о РАЙ: — Мэ потасавава ся лэ
манушэнди порода, сави Мэ стердэм.
Мэ потасавава лэ манушэн, баро и
цыкно пхуяко жундимос и лэ
нэбостерэн черэклян. Мэ тынгой,
со стердэм лэн.



Ай о Ноё арахля тынгимос англа лэ РАЕСТИ
якха. Кай о Ноё сас трин шавэ: о Симо,
Хамо тай Яфето.



Англунимос 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Vlakh Romani OT (rmy) © 2021 Bible Translators of Ukraine
© 2021 Pioneer Bible Translators This work is licensed
under the Creative Commons Attribution Non-commercial
No-Derivatives 4.0 license.

©2026 Bible for Children, Inc.

www.M1914.org www.bibleforchildren.org

